

Герлтä хаалгъ

1933 — 1934 джилмүдт, Троицк района Найнтахна аңгыин шанъгъа хот-хоолар бääдж сурдг школд багш болхар, Аäдрхнä багшин училищ төгсädж баахн хар-улан күүкн ирв.

5-ч класст түрүн уроктд ирäd, манла таньлдчкад, мини нерм Байгуш Энеевна Босхомджиева гидж келв. Түрүн урокасн авн äклäd шин медрл йир тодрхагъар, медрдгär кеддж öгдг, медрлтä багш болдж манд тодлгдв. Удан болсн уга, мадн дунд олд туста кесг кöдлмш кех: цевр-цеерин, эрсин газет гаргьдг, нәр-наад үзүлдг болн нань чигн кесг комисс бүрдäv.

Сургъулян сäänär, үнн седклän тävдж сурдг, хондг герän цеврär бärдиг дасхсн ода күртл мартгдхш. Байгуш Энеевна манд, кенчр ягьдж угъахинь, ягьдж илврдхинь, товч хаддиг, терз-үүдän шамин тосар арчдг цеврлдиг болн олд туста нань чигн олт-зүсн кöдлмш кедиг дасхдг билä.

Äсхидн герин даалгъвран кечкäd, цугъар багъ наста багштагъан гарад

наадг билävдн. Зäрдän манд сонън дегтр умщдж öгдг билä. Хара биш литературар, географар, тууджар сурврмудт хärү öглгнä нәр болдг билä. Эн нääрт йкär сонъмсдж, öмнäsнь белдвр кедж, медрлän öддлүлдж орлдг билävдн. Сургъулин джилän нег му темдг угатъар төгсägтäd, Элст балгъснур маниг эскурс кедж авч ирв. Эрдм-сургъулин наркоматд одвдн. Тиигхд би, седклän тävсн багшан дурадж, багш болнав гидж шиидлäv. Манла сурчасн Гасандан Эрднь, Мутан Инджä селänä эдл-ахун кöдлмшин сургъуль сурнавдн гидж келцхäv. Сансмдн күцв. Байгуш Энеевнад курсн сургъульчнрас, ода Юстинск района дäänä комиссар болдж майор Онъжан Тöлджä, Элст балгъснд Ленинä нертä колхозд малин эмч болдж Мутан Инджä, Элст балгъсна 2-ч номертä дундин школд багшар би кöдлджänäv.

Алдр Октябрин 42-ч öөнлä, түрүн сургъсн сургъульчнрин нерн деерäs күндтä багш Б. Э. Босхомджиеваг йöрджänäv.

Б. Н. ДЕЛЬДЕНОВА.